



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCCV. Der Rath der Altstadt Salzwedel bekundet, daß Heine Böck dem
Hospitale St. Georg ein Rente verkauft hat, am 29. November 1426.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

ys vnd dar fulues, dar de vplatinghe schut, dar scal me dat vorschoten. We ze ok rede heft, de scal de vorschoten, dar he borger ys. Dat wy Radman beyder Stede desser vorseuenen stücke Stede vnd vaste Sunder alle list wol holden willen, hebbe wy to groter tuchnisse vnser beyde Stede Ingefeghele willicken hengen laten an dessen briff. Ghegheuen na gades bort vertehundred Jar, dar na in deme Sesse vnde twintigsten Jare, des middewekens vor sunte michaelis daghe Archangeli.

Nach dem Originale in doppelter Ausfertigung, F. III, No. 28 des Salz. Archives.

CCCV. Der Rath der Altstadt Salzwedel bekundet, daß Heine Böck dem Hospitale St. Georg eine Rente verkauft hat, am 29. November 1426.

Wy Hanfs Buck, Hinrick Brunow, Hermen Chuden, Steffen Luxstede, Bernd Dorheyde, Tyde Wolter, Albrecht von Sannem, Wilhelm Bormester, Clawes Erockfleue, Wylcke Lagendorpe, Diederick Mechow vnd Kersten Schulte, Rathmanne der Olden-Stadt Soltwedel, Bekennen vnd betügen apenbahr in diesem Brieffe, dat vor Uns ifs gewesen Heine Böck, Ufe Börger, vnd heft verkofft recht vnd redelicken to enen rechten Erffkope in sienem Erse-Stande vppe der Bokkes-Brüggen den Vorstenderen Sünte Jürgen, also Berndt Dorheyde vnd Hanfs Ungnade to Sünte Jürgen behueff ene Marck Penninge Jahrlickes Tynses vndt Renthen vor Vestteyn Marck Penninge Soltwedelscher Weringe, de ehme von den Vorschrewenen Vorstendern Sünte Jürgen wol to dancke bethalet findt. Desse ene Marck Penninge Tynses vnd Renthen schall Heine Böck edder Besitter des Erfen den Vorbenandten Vorstendern edder eren nakömelingen alle Jahrlickes betalen vppe Wynachten, sunder Vertoch vnd weddersprække, vnd de erste Tyns schall anstan to Wynachten negeft tokommende, vort över ein Jahr. Ock so hebben de Vorbenandten Vorstender Sünte Jürgen vor sick vndt vor ere nahekömelinge van Sünte Jürgen wegen tostet Heine Böcke vnd Besitter des Erfen enes wedderkopes der verschreuen Renthe vor Vestteyn Marck Penninge Soltwedelscher Weringe, vnd den Wedderkop schall ernander Heine Bock edder Besitter des Erfen ein Verndel Jahres to vorne verkündegen vnd des nechsten Verndel Jahres na der verkündinge, den Vorstenderen Sünte Jürgen, de denne syn, de Vestteyn Marck Penninge vnd ok de Renthe, de vallen ifs na der tyd torekende, vull vndt all betalen; wann dat also geschehen ifs, So schall de ene Marck Penninge Jahrlickes Tynses vnd Renten wedder ledich vnd los wesen deme jennen, deme dat vorschrewen Erue denne höret. To tüge dessen vorschreuen Stücke hebbe wy vfer Stadt-Insiegel willicken hengen laten in desen Brieff; Gegeben na Godes Bort Vierteynhundert Jar, darna in deme Sesse vnd twintigsten Jare, des Freydages vor Sünte Andreas Dage des hilgen Apostels.

Beßmann's Beschreib. a. a. D. Sp. 93, 94.